



UNIVERSITÄTS-  
BIBLIOTHEK  
PADERBORN

## **Rationale Vtrivsq[ue] Potestatis Ecclesiasticæ**

**Talamellus, Thomas**

**Ticini Regii, 1618**

Capvt Quartvm. Primi Tractatus, in quo aliæ assignantur responsiones.

---

[urn:nbn:de:hbz:466:1-61615](https://nbn-resolving.org/urn:nbn:de:hbz:466:1-61615)

## CAPVT QVARTVM.

*Primi Tractatus, in quo alie assignantur responsiones.*

7.  
Sim. de  
Cassia li. 1.  
cap. 25. de  
Relig. 10.

Ioel. c. 2.

D. Pau.  
Rom. c. 2.

B. Sim. li.  
6. Matt. 13  
de relig.  
Christi.

**B**Eatus Simon noster de Cassia, de Religio-  
ne Christiana similiter huic quaestioni re-  
spondet dicens. Nam si omnes peccantes  
subita percussione puniret, supple Deus: impius  
crederetur conditor omnium, ipsos ad poenitentiam  
non expectans: sed quia benignus, & misericors est,  
secundum Ioelem Prophetam, & prestabilis super  
malitiam: non vult mortem peccatoris: sed vt con-  
uertatur, & viuat, & secundum D. Apostolum ar-  
guentem peccatores ad poenitentiam non reuera-  
tentes; an diuitias bonitatis illius, & patientiae, &  
longanimitatis contemnitis? ignorans; quoniam be-  
nignitas Dei ad poenitentiam te adducit? & idem B.  
Simon exponens illam Saluatoris parabolam de fru-  
mento, & zizanijs, finite vtraque crescere vsque ad  
messem &c. dicit; diuina permissio respicit qua supra  
posuimus: insuper, & quod ab eo impossibile fa-  
ctum est, non omnes homines iudicari: vt si eua-  
dant tempore perfunctoriae vite, non tamen finitam  
esse, suffragium euasionis habebunt: omnes enim,  
qui ad tempus effugiunt humanum iudicium, inclu-  
dunt diuinum: supple iudicium. non enim Deus hic  
omnia punit: non omnia iudicio reseruat extremo.  
Dei misericordiam, & iustitiam semper apparere  
necessario, factum est: vt hic misereatur; & tem-  
poraliter

poraliter puniatur: alibi etiam possit misereri, & eternæ damnare. B. Augustinus noster Anconitanus lib. suo de Potestate Ecclesiastica similem videtur docere responsionem, dicens, omnes creaturæ rationales sunt oues Christi, iure creationis: & sufficienter iure redemptionis: quia ipse pro omnibus sufficienter passus est: sed pagani, & infideles, non sunt ex ouibus Christi, fidei adhesionem. Vnde dicit glos. super dictum verbū non estis ex ouibus meis, consequenter inducit eos: vt eius oues efficiantur. Secundum enim Augustinum, de nullo est diffidendum: quia, qui hodie sunt Iudæi, vel Pagani: cras poterunt esse Christiāni, & sic omnes possunt esse Christi oues ex parte Ecclesiæ; per eiusdem charitatem: quia pro omnibus orat: vt conuertantur, & per eorum potestatem: quia omnibus datum est veille, & liberum arbitriū quo conuerti possunt, &c. Idem B. Aug. eodem lib. de mente S. P. August. lib. de vera Religione dicentis. Fides Catholica vtitur Iudæis ad comparationem pulchritudinis suæ: quia ex hoc, quod Iudæi ritus suos obseruant, in quibus præfigurabatur veritas fidei, quam tenemus. Istud bonum prouenit, quod testimonium fidei nostræ habemus ab hostibus, & quasi in figura nobis representatur, quod credimus; vt sint ipsi fallaces pro se, & veraces pro nobis, & contra se: vnde quodammodo, quod de Iudæis dicitur, de ceteris malis verificari poterit.

B. etiam Thomas noster de Villanova in quadā sua

8.  
B. Aug.  
Anch. lib.  
de Pot. Ec  
cl. qu. 23.  
artic. 1. ad  
secundum  
gloss.

B. Aug. q.  
Anconit.  
24 art. 2.  
incor. ar.  
S. P. Aug.  
li. de Ven.  
Relig.

B. Thom.  
Villanova  
Psal. 33.

Psal. 93.

Psal. 89.

Psal. 65.

Simile

Proverbia

Psal. 15.

sua Concione habita pro Sanctis Martiribus Cosma, & Damiano accipiens illud Ps. Multæ tribulationes iustorum, & de omnibus his liberabit eos Dñs vbi laudans; & extollens super omnia diuinam providentiam; quid enim est Deus? nisi vniuersalis optimus, & gubernator omnium? quomodo non erit gubernator eorum, quorum fuit opifex, & creator? aut quid in rebus potest legem, & iurisdictionem sui conditoris subterfugere? & ab eius dominio excipi; vnde Psal. contra docentes oppositum, dicit intelligite insipientes in populo, & stulti aliquando sapite: qui plantavit aurem non audiet, aut qui fixit oculum non considerat? Idcirco parum infra eadem Concione per Ps lætati sumus pro diebus, quibus nos humiliasti, & annis, quibus vidimus mala, & Psal. transiuimus per ignem, & aquam & eduxisti nos in refrigerium: vnde nobiscum Deus agit, sicut qui præclarum conuiuium suis Parat amicis, detinens aliquantulum eosdem ante prandium, vt esuriant, & eis melius cibaria preciosa sapiant: Vulgo enim dicitur: quies, quæ laborem sequitur, gratior est; hoc enim malum habet boni, vt bonum iuxta ipsum positum magis illucescat, secundum etiam Philosophum. Parum infra idem dicit, tribulationes esse calcaria, quæ faciunt nos citius ad Deum currere: in Psal. multiplicatæ sunt infirmitates eorum, postea acceleraverunt, & è contrario prosperitates nos detinent, siue à cursu nostro ad Deum quodammodo impediunt.

CA-